

Project 5

Course Code and Name: GEF1203 Advance Bangla Writing Skills

Project Name: শিল্পগুরু সফিউদ্দিন আহমেদ

Project Theme: N/A

Semester of Submission: Fall 2022

Project Description:

This feature article is about Shilpaguru Safiuddin Ahmed, one of the pioneers of modern art in Bangladesh. The article highlights his life, artistic journey, contributions to printmaking, and his role in enriching the country's art and culture.

Project Justification:


Safiuddin Ahmed made a significant contribution to the development of Bangladeshi art. This project was completed to introduce readers to his achievements and to create awareness about the importance of preserving our artistic and cultural heritage.

Name in Bengali: সামিয়া হাসান অথৈ

ID: ২২১০১২০৫৫

শিল্পগুরু সফিউদ্দিন আহমেদ

বাংলাদেশের অভ্যুদয় হঠাৎ করে একদিনে শুরু হয় নি। বাংলাদেশের মানুষ তাদের নিজেদের স্বাভাবিকভাবে বেঁচে থাকার জন্য সংগ্রাম করে এসেছে। ব্রিটিশরা প্রায় দুশো বছর শাসন করার পর ১৯৪৭ সালে সম্পূর্ণ ভারতবর্ষ দুটি ভাগে ভাগ হয়ে যায়। মুসলমান অধ্যুষিত বা ইসলাম ধর্মীয় মানুষদের জন্য সৃষ্টি হয় পাকিস্তান পূর্ব-পাকিস্তান ও পশ্চিম পাকিস্তান একই দেশ হলেও একমাত্র ধর্ম ছাড়া আর কোনো কিছুতেই দুই দেশের মধ্যে তেমন কোনো মিল ছিল না। পূর্ব-পাকিস্তান বা বাংলাদেশে ছবি আঁকার প্রতিষ্ঠান চারুকলা ইনস্টিটিউট প্রতিষ্ঠিত হয় ১৫ নভেম্বর ১৯৪৮ সালে। চারুকলার প্রতিষ্ঠার যে সব শিল্পীরা ছিলেন প্রাগাতিশীল, অসাম্প্রদায়িক এবং বাংলা ভাষায় চেতনায় বিশ্বাসী তারা হলেন শিল্পী জয়নুল আবেদিন, কামরুল হাসান, সফিউদ্দিন আহমেদ, খাজা শফিক আহমেদ, শফিফুল আমিন এবং মোহাম্মদ কিবরিয়া।



স্বাধীনতা পূর্ববর্তী প্রথমদিকের সুনামধন্য শিল্পীদের মধ্যে বাংলাদেশের চিত্রাংকনে শিল্পী সফিউদ্দিন আহমেদ এক অনবদ্য ব্যক্তিত্বের নাম। নব্বই বছরের জীবনকালে তার শিল্পচর্চার একান্ত প্রয়াস স্থাপন

করেছে এক অতুলনীয় দৃষ্টান্ত। শিল্পগুরু সফিউদ্দিন আহমেদ ১৯২২ সালে ২৩ জুন কলকাতায় ভবানীপুরস্থ নন্দন রোডে পিত্রালয়ে তার জন্ম হয়। তার পিতার নাম শেখ মতিনউদ্দিন আহমেদ। মাতার নাম বিবি জমিলা খাতুন। তার পিতা ভূমি অফিসে সাব-রেজিস্ট্রার ছিলেন। পিতৃগৃহে সচ্ছলতা ও মুক্ত সাংস্কৃতিক চর্চার পরিবেশ ছিলো। তাদের পরিবারে সবাই গান বাজনা, বাদ্যযন্ত্র বাজাতেন। তিনি নিজেও শিক্ষকের কাছে সেতারবাদন শিখেছিলেন।

শিল্পী সফিউদ্দিন আহমেদের প্রাথমিক এবং মাধ্যমিক শিক্ষা গড়ে উঠে কলকাতার পদ্মপুকুর হাইস্কুল থেকে। ১৯৩৬ সালে জুলাই মাসে তিনি কলকাতা সরকারি আর্ট স্কুলে ভর্তি হন। কলকাতা আর্টস্কুলে অধ্যয়নরত অবস্থায় তাকে কলকাতা সহ কলকাতার বাইরে বহিদৃশ্য স্কেচ করতে হয়। প্রথমে ১৯৩৬-৪১ বিহারের মধুপুর, দেওঘর, জেসিডি, গিরিডি অঞ্চলে গিয়েছিলেন। এবং পরবর্তীতে তিনি ১৯৪২, ১৯৪৪, ১৯৪৫ সালে সাওতাল পরগনা দুমকা অঞ্চলে গিয়েছিলেন। দুমকা অঞ্চলভিত্তিক চিত্রশিল্পগুলো তাকে শিল্পী হিসেবে সার্থকত এনে দিয়েছিলো। তবে ১৯৪৩ এর দুর্ভিক্ষের সময় চাকরিতে যোগ দিলে তার চারুশিক্ষা গ্রহণে ব্যাঘাত ঘটে। পরে ১৯৪৪ সালে উক্ত কোর্সে পুনঃভর্তি হয়ে ১৯৪৬ সালে কৃতিত্বের সাথে উত্তীর্ণ হন। এই কোর্সে তিনি বেছে নেন ছাপাচিত্র বিভাগ।

সফিউদ্দিন আহমেদকে বাংলাদেশের আধুনিক ছাপাচিত্রের পথিকৃত বলা হয়ে থাকে। তিনি ১৯৪৭এ দেশভাগের পরিপ্রেক্ষিতে ১৪ আগস্ট তিনি ঢাকা আসেন এবং ১৫ আগস্ট ঢাকা কলেজিয়েট স্কুলে ড্রাইং-এর শিক্ষক হিসেবে যোগদান করেন। অতঃপর ঢাকায় আর্ট স্কুল গড়ার আন্দোলনে তিনি জয়নুল আবেদিনের সহযোগী হিসেবে সক্রিয় হন। এই আন্দোলনের সফলতায় নবগঠিত 'গভর্নমেন্ট ইনস্টিটিউট অফ আর্টস, ঢাকা'-র তিনি প ছিলেন প্রতিষ্ঠাতা সদস্য। ১৯৪৮ সালের সেপ্টেম্বরে নতুন প্রতিষ্ঠানে তিনি ছাপাচিত্র বিভাগের লেকচারার ও প্রধান নিযুক্ত হন। এই প্রতিষ্ঠানটি ১৯৬৩ সালে সরকারি আর্ট কলেজে রূপান্তরিত হয়। ১৯৭৯ সালে এই কলেজ থেকে তিনি সহকারী অধ্যাপক হিসেবে অবসর গ্রহণ করেন। ১৯৮৩ সালে এই প্রতিষ্ঠান ঢাকা বিশ্ববিদ্যালয়ের একটি ইনস্টিটিউটে রূপান্তরিত হওয়ার পর ১৯৮৮ থেকে ১৯৯৩ সাল পর্যন্ত তিনি এর ছাপাচিত্র বিভাগে সংখ্যাতিরিক্ত শিক্ষক হিসেবে এবং ১৯৯৪ থেকে ২০০১ সাল পর্যন্ত খণ্ডকালীন শিক্ষক হিসেবে দায়িত্ব পালন করেন। ১৯৪৫ সালে, তিনি তার চিত্রকর্ম 'পারাবত' (তেল রঙ) এর জন্য 'অ্যাকাডেমির রাষ্ট্রপতির স্বর্ণপদক' জিতেছিলেন। ১৯৪৬ সালে, তিনি তার চিত্রকর্ম 'শান্তিনিকেতন সিনারি' (ড্রাই পয়েন্ট) এর জন্য 'বিহার হেরাল্ড গোল্ড মেডেল' জিতেছিলেন। ১৯৪৬ সালে, তিনি তার চিত্রকর্ম 'সাওতাল গার্ল' (কাঠ খোদাই) এর জন্য পাশ্চাত্য ঘরানার সাদা-কালো বিভাগে প্রথম পুরস্কার জিতেছিলেন। একই বছর, তিনি নয়াদিল্লিতে অনুষ্ঠিত আন্তঃ-এশীয় চারুকলা প্রদর্শনীতে তার চিত্রকর্ম 'পারাবত' (অ্যাকোয়াটিন্ট) এর জন্য কালো এবং সাদা বিভাগে প্রথম পুরস্কার জিতেছিলেন।

তিনি তার শিল্পচর্চাকে গভীর সাধনা বিষয় বলে মনে করতেন। তার প্রতিটি চিত্রকর্ম বা শিল্পকর্ম ছিলো সাহিত্যসৃষ্টির অংশ। তিনি ছিলেন রুচিশীল, সংগীতানুরাগী, সাহিত্যপিপাসু, মুক্তচিন্তার অধিকারী। তার প্রতিটি কাজে ফুটে রয়েছে নিরহংকার, সহজাত। তার প্রতিটি কাজ ছিলো সাধনার এক এক উন্নতম উদাহরণ। তিনি সর্বদাই ব্যাস্ত ছিলে চারুশিল্পের চর্চায়। তিনি তার জীবনে অপার আনন্দ পেয়েছেন ছবি আঁকার মাধ্যমে। সফিউদ্দীন আহমেদ প্রায়ই বলতেন যে, “আমার সবচেয়ে ভালো ছবিটা আমি এখনো আকতে পারি নি” (সৈয়দ আজিজুল হক, চারু ও কারু কলা ইতিহাসবিদ, অধ্যাপক বাংলা বিভাগ ঢাকা বিশ্ববিদ্যালয়) এই কথার মাধ্যমে বেরিয়ে আসে একজন মহৎ চিত্রশিল্পীর তার আত্মিক নিষ্পাপ আকুতিভরা অনুভূতি।

১৯৫২ সালের আগস্ট মাসে তিনি আত্মমান আরার সাথে বিবাহ বন্ধনে আবদ্ধ হন। তাদের ঘরে আলো জুড়ে আসে তিনটি ফুটফুটে সন্তান। ১৯৪৭ এ দেশভাগের সময় নিজের জন্মস্থান কলকাতা ছেড়ে ঢাকায় বসতি স্থাপন করেন। এদেশে ছবি আকতে গিয়ে দেখেন এখানে নীলাভ-সবুজের ছড়াছড়ি। তার তেলচিত্রে নীল, সবুজ একত্রে আনতে তাকে বেশ সমস্যার সম্মুখীন হতে হয়। জলরং, তেলরং ও রেখাচিত্র ছাড়া ছাপচিত্রের যেসব মাধ্যমে তিনি কাজ করেন তা হলো: উড এনগ্রেভিং, ড্রাই পয়েন্ট, অ্যাকুয়াটিন্ট, লিথোগ্রাফি, এচিং, কপার এনগ্রেভিং প্রভৃতি। শুরু থেকে শেষ পর্যন্ত তিনি দুটি মাধ্যমে নিরবচ্ছিন্নভাবে কাজ করেছেন। এ দুটি হলো: রেখাচিত্র ও তেলচিত্র।

ছাত্রবয়স থেকেই কালো রঙের প্রতি এক ধরনের দুর্বলতা সৃষ্টি হয় শিল্পী সফিউদ্দীন আহমেদের কাছে। কালো তাঁর কাছে বিবেচিত হয়েছে রঙের রাজা হিসেবে। এই রংকে আয়ত্ত করা রীতিমতো দুর্কহ মনে হয়েছে তাঁর কাছে। ফলে কালো রঙের অনুশীলনের জন্য দীর্ঘদিন প্রচুর পরিশ্রম করেছেন তিনি। তা সত্ত্বেও কালোর এই অনুশীলনে তৃপ্ত হয় নি তাঁর মন। যেসব চিত্রে কালো রঙের বিচিত্র ব্যবহারের মধ্য দিয়ে শিল্পীজীবনের শেষ প্রান্তে এসে যেন কিছুটা পরিতৃপ্তি পেলেন। এসব চিত্রকে তিনি নাম দিলেন ‘ব্ল্যাক সিরিজ’ বা ‘কালো চিত্রমালা’। তার উল্লেখযোগ্য কয়েকটি শিল্পকর্ম হলো সাঁওতাল রমণী (সাঁওতাল গার্লস), ১৯৪৬; মেলার পথে (অন ওয়ে টু ফেয়ার), ১৯৪৭; বন্যার কবলে (ইন দি গ্রিপ অফ ফ্লাড), ১৯৫৯, মাছ ধরার সময় (ফিশিং টাইম), ১৯৬২; ক্রুদ্ধ মৎস্য (অ্যাংরি ফিশ), ১৯৬৪; নীল জাল (দি ব্লু নেট), ১৯৭৬; মাছ ধরার জাল (ফিশিং নেট), ১৯৭৮; ক্রন্দন (দি ক্রাইং), ১৯৮০; জলের নিনাদ (সোউন্ড অফ দি ওয়াটার), ১৯৮৫; একাত্তরের স্মৃতি (ইন মেমোরি অফ ৭১), ১৯৮৮।



শিল্পগুরু সফিউদ্দিন আহমেদ এর চিত্রকর্ম ওয়াশিংটনের লাইব্রেরি অফ কংগ্রেস, বেলগ্রেডের নন-অ্যালাইন্ড আর্ট গ্যালারি, জাপানের ফুকুওকা মিউজিয়াম, ঢাকার জাতীয় জাদুঘর ও শিল্পকলা একাডেমীসহ দেশে-বিদেশে বিভিন্ন ব্যক্তিগত ও প্রাতিষ্ঠানিক পর্যায়ের সংগ্রহে তাঁর শিল্পকর্ম সংরক্ষিত রয়েছে। তবে তাঁর অধিকাংশ চিত্রকর্মই আছে তাঁর পারিবারিক সংগ্রহে অধীনে।

মহান এই চিত্রকর ২০১২ সালের ২০এ মে ঢাকার স্কয়ার হাসপাতালে শেষ নিশ্বাস ত্যাগ করেন।

Learnings and Outcomes (Self-reflection):

- Improved my Bangla feature writing skills.
- Learned about the life and contributions of Safiuddin Ahmed.
- Developed my research and creative writing abilities.